


Nuguma saba ka maana



ISBN : 2-84258-018-4
Gafe in dilanna Mali la



Hababan tun ye kamalenin ye, baara tun man di min ye. A tun te foyi ne dumuni ko. A tun be to k'i dogo a ba la, ka taa barama yelsm'a kun gabugu kono. Ni dumuni tun sigira, mogo tow tun te foyi soro Hababan koro, barisa a tēge tun ka teli wa a logoma tun ka bon.

A fa nana dimi a koro, k'a gen ka bo du kono.




Hababan ye dɛ minɛ a konɔbaraba fadumuni ninini na. A ka sira kan, a ye cɛ do ye jrisun do la, bulu kelenpe tun bɛ min na.

Hababan kulela ka cɛ wele ko : n teri, e bɛ mun nini jiri in bala ? E togo ye di ?

Cɛ y'a jaabi k'ale togo ye ko Awalon ; k'ale fa y'a gen k'a bɛ dumuni kɛ kojugu ; ko a kelen ye nin jiri ninnu bulu bɛɛ dun. A to tora bulu kelenpe min ye ko a sirannen bɛ k'o dun, kongo kana n'a minɛ tugun, k'a soro foyi t'a bolo.

Hababan ko a ma k'a ka bulu laban in dun, u ka temen ni nɔgon ye ;



-2-

k'u kera terimaw de ye, bawo ale fana fa y'a gen i n'a fo Awalon ta nɔgon.

Hababan ni Awalon ye sira minɛ. U selen nɛfɛ, u dabali banna cɛ do la, min tun bɛ ka wo belebele do sen n'a tɛgɛ ye. Dingɛ dunyara fo ka cɛ kun tunun a konɔ.



Awalon ko a ma : e cɛ ! Munna e bɛ ka nin dingɛ sen n'i tɛgɛ ye tan ? E togo ?

Dunanke y'a jaabi k'ale togo ko Abɛdumu. K'a jigi tun ye tigakisenin kelen min ye, k'o de binna. N tɛ fara ko la bɛ bo ni wokonofɛn ye. Ko tigakisenin kelen in tɛ taa k'ale dan ! A y'a ka dingɛ sen dadon tuguni.

Hababan ko a ma : i nugu ka bon i n'a fo ne ni Awalon. Tigakisenin in to yen, an ka taa nɔgon fɛ. An bɛ taa dumuni nini k'a dun fo k'an belehɛ !

-3-

Terima saba sera buguda do la. U taara dugutigi bara. O y'u bisimila koɗuman, ka dumuni d'u ma. Dumuni min dir'u ma, o benna u bee dakuruɗe kelen kelen ma.



U ma maloya ka girin ka da musow ni denmisenninw ka suman sigilen kan, k'o fiye ka bo a la.



O yaronin bee, dugutigi n'a ka dugudenw bee wulila k'u wulukolon gen.

Hababan ni Awalon ni Abedumu sera dugu were la kuluw sanfe, minnu yelenni geleyar'u ma hali. U y'u kunda dugutigi ka so kan, k'a f'o ye : Anw ye dabanaw de ye; an be foro seneta nini de la, walasa ka wari donin soro. Samiyε waati tun don. O diyara dugutigi ye, barisa foro bele-bele tun b'ale bolo ; a hakili la ko

nuguma minnu k'u ye dabanana ye, k'olu na se k'a ka samiyε diy'a la.

Dugutigi taara n'u ye a ka shoforo la. Bεε taalen k'a to t'u kelen ye, Hababan ni Awalon ni Abedumu ye dugutigi ka shokene bεε dun. Yoronin kelen, dugutigi ka foro bεε fara shobulu la.



Dugumogow bɔra walejugu in kalama yoro min, ɲogongen dabɔra. U ye kabaku-
rufele wuli nuguma saba ninnu na. Hababan n'a teri fila y'u pan kulunow ni
ɲogon ce, ka tunun kungo kɔnɔ.



A ma mɛɛn, u sera dugu wɛrɛ la.
Abɛdumu ko fɛɛrɛ dɔ b'ale kɔnɔ, k'u ka tugun ko.




U taara baganmararala Pulo bara, saga baaden tun bɛ min bolo, k'a f'o ye, k'olu
ka baara ye bagangen ye. Pulo y'a ka saga kulu kalifa u ma.

U janfalen dugu la ni sagaw ye,
nuguma saba ye don ni donkilida damins,



k'u nagari bo Pulɔ la; u ma fila ke, u sinna ka saga caman don dibi la,
k'o bee dun !

Dugumogow be s'u ma tuma min, o y'a soro u ye saga muga ka ko ban. U ye
nuguma saba ninu walon ni berekurunw ye, k'u wulukolon gen !



U bor'a la ka bala u yere la, n'u ka duloki faralenw ye ani kurukuruw falennen u kuncu ma. U taamana, ka taama n'u ka kononafili ye, bawo fere were tun t'u kono bilen k'u ka kongo mada.

Halisa an ka nuguma saba be ka taa.



E min ye nin maana kalan, ni nuguma saba ninnu hinc b'i la,
munna i t'u wele dumuni na i bara ?